

明太祖革命武功記

署居正



明太祖革命武功記卷七

湖北蘄春方覺慧纂

平陳友定記

一、陳友定從戎屢樹戰功，元廷甚倚畀之。陳友定，一名有定，字安國，福清人。以明溪驛卒，應汀州判蔡公安募，肆談軍事，公安奇之，授黃土寨巡檢。從討延平邵武諸山賊，平之，尋遷清流令，遂徙居清流。時元至正十二年壬辰也。已亥年，陳友諒遣其將康泰取邵武，邵克明攻汀州，俱爲友定所擊敗。元以其戰功，遷授行省參政。辛丑年，陳友諒旣得江右之地，使其將邵克明率眾數萬破汀州，延平遂圍建寧。時友定屯平安寨，潛師救建寧，與福州守將阮德柔合兵，擊克明，破走之，追殲其眾，悉復所失地。友諒由此

不敢窺聞。明年元安撫使李國鳳表友定功授福建行省

參知政事。

新元史陳友定傳

而元行省平章燕只不飛擁虛位而

已。是時友定遣貢舶循海道供給大都。權令出自一已。且屢戰勝陳友諒。雖浙東逼處。卒能自立。遂龐然坐大。元廷甚倚畀之。

二、吳王以陳友定侵處州。遣胡琛進取建寧。琛被擒遇害。

乙巳年二月。陳友定侵處州。時吳王已平陳友諒。正規

畫兩淮。進滅張士誠。報至。吳王命參軍胡琛率兵往援。友定聞琛至。遁去。琛追至浦城。其守將岳元帥拒戰。琛擊敗其眾。遂下浦城。此陳友定與吳王開戰之始也。四月。吳王命處州總制參軍胡琛進攻建寧之松溪。克之。獲陳友定守將張子玉而還。留李彥文輯其眾。餘眾悉奔崇安。

太祖實錄

卷十五 五月廣信衛指揮王文英率師趨鉛山次佛母嶺與

友定兵遇破走之旋胡琛請吳王發廣信撫州建昌三路之兵規取八閩吳王曰張子玉乃友定驍將今爲我擒彼必破胆乘勢攻之必無不克卽如琛請命朱亮祖由鉛山建昌左丞王溥由杉關會琛兵進擊時方國珍乘我之虛搗亂後方六月胡琛進攻温州路之樂清克之擒國珍鎮撫周清萬戶張漢臣總管朱善等械送建康處州無後顧之慮繼攻浦城時朱亮祖已至閩境會兵攻崇安建陽克之攻建寧陳友定將阮德柔防守甚固我師次城下亮祖亟欲攻之迫琛進兵琛執不可適德柔以兵四萬屯錦江逼琛陣後亮祖愈咎琛督戰益急琛不得已乃引兵鼓譟進擊之破其二柵德柔率精銳扼琛軍圍之數重會日暮

琛知營壘未安而兵圍不解難以持久卽突圍而出德柔
伏兵忽起琛馬蹙竟爲所執友定初意甚敬禮之琛因稱
吳王神威豪傑歸附冀悟友定友定固無殺琛意太祖實錄卷十
五會元使至促令其殺琛以明無貳友定乃設銅鑪置琛
其上斃之且曰後有犯我者視此新元史陳友定傳事聞吳王遣
使於其家祭之

三陳友定進據漳州 丙午年八月陳友定旣敗胡琛元
命爲福建行省平章政事兼守八閩友定遂有全據福建
之志部下有勝兵萬人益發取諸郡縣至漳州守臣羅良
乃以書責其悖逆之罪其書曰足下向爲參政國之大臣
克復汀州固其本職燕尺平章僚長也足下迫之郡邑之
長出自朝命足下竄之百司朝廷之役足下臣妾之足下

所收復郡邑得其倉庫入爲家資口言爲國心實肥身跬

步之間眞僞甚明不審足下將爲郭子儀耶抑爲曹孟德

耶友定大怒益兵圍其城良死守旬日部下有叛者延賊

入城陷良死之友定遂據漳州

皇明從信錄卷五

使人鑿山道城

守自固

明史紀事本末卷六

其驕橫益肆阮德柔自以元舊臣不盡

受節度友定不能容德柔懼不自安密通欵於金陵自請

於吳王曰臣故步伍多壯士今皆散處民間若往收集可

備行伍吳王從其言德柔遂還建寧招集詎德柔性嚴急

人多怨之不肯附於是浦城縣新軍百戶李子清詹子順

張仲眞等率眾殺德柔因而爲亂建寧衛遣兵擊之子清

等皆伏誅

洪武四年德柔之子文振從訴於朝太祖命褒揚贈武德將軍管軍正千戶

初柳伯

順以破胡琛功驕蹇友定亦忌而殺之

新元史陳友定傳

四、吳王規定進討陳友定方略。吳王元年丁未五月，諸將言陳友定竊據閩中，擅作威福，宜乘勢取之。若因循日久，使得自固，則難爲力矣。吳王曰：吾固知之，然方致力姑蘇，而張氏降卒新附，未可輕舉。且陳友定據閩已久，積糧負險，以逸待勞，若我師深入，主客勢殊，萬一不利，進退兩難。兵法貴知彼知己，用力不分，此乃萬全之策。吾前已計之審矣，徐而取之，未晚也。十月，命中書平章胡廷美爲征南將軍，江西行省左丞何文輝爲副將軍，率吉安寧國南昌袁贛滁和無爲等衛軍取福建，以湖廣參政戴德隨征。諭廷美曰：汝以陳氏丞相來歸，事吾數年，忠實無過，故命汝總兵，往取福建。何文輝爲汝之副，戴德從汝調發，二人皆吾親近之人，勿以此故廢軍政，凡號令征戰，一以軍法。

從事吾昔微時在行伍中見將帥統馭無法心竊非之及後握兵柄所領一軍皆新附之士一日驅之野戰有二人犯令卽斬以殉眾皆股慄莫敢違吾節制人能立志何事不可爲聞汝往年嘗攻閩中必深知其地理險易今統大軍進征凡攻圍城邑必擇便利可否爲之進退無失機宜克定之功全賴於汝廷美拜命出亦如北伐大將軍徐達征南將軍楊璟等同以是月甲子出師

實錄卷二十一

胡廷美等率軍度杉關略光澤

光澤縣元隸邵武府縣治在府城西

入十里杉關在光澤縣西北七十里杉嶺上與江西黎川縣接界爲贛閩往來之通道元明置杉關驛卽閩西之重

鎮也是爲自江西入閩之正軍也旣下光澤邵武建陽諸處

皆震十二月邵武元守將李宗茂以城降得將士五千四

百餘人建陽元守將曹復疇亦降

皇明永化類編開基卷二

惟建寧爲

敵人重兵所扼守以保障延平未易下也命湯和廖永忠

吳楨等由明州

明州唐置鄞州後改明州以境有四明山爲名治鄞縣宋初改明州爲奉化郡後升

慶元府元改慶元路在浙江鄞縣東

海道益兵取福州是爲自浙東海道入

閩之奇軍也初吳王問章溢征閩諸將如何溢對曰湯和

自海道進胡廷美由江西入此固必勝然閩人尤服李文

忠威信若令帥師從浦城攻建寧此萬全計也從之至是

召文忠出師浦城溢子子章存道率兵萬五千人隨焉皇

派化類編開基卷二

是爲浙東陸路入閩之疑軍也正兵使敵重防

奇兵使敵莫測疑兵使敵分力此乃吳王出奇制勝之策

也

五湯和攻克福州撫輯軍民

是月征南將軍湯和率師

克福州初陳友定環城外皆築壘爲備每五十步更築一

臺嚴兵守之。聞我師破杉關，急分軍爲二，以留同僉賴正孫、副樞謝英輔、院判鄧益等軍二萬守福州。自率精銳守延平以拒。時和等舟師自明州乘東北風，逕抵福州之五虎門，駐南臺河口。遣人入城招諭，爲元平章曲出所殺。我師登岼，將圍城。曲出領眾出南門逆戰，指揮謝得成等擊敗之。眾潰入城拒守。是夜參政袁仁密遣人納款。黎明，我師蟻附登城，遂開南門。和擁兵入，鄧益拒戰于水部門，擊殺之。賴正孫、謝英輔自西門出走。延平曲出塔海木兒杭者不花、左丞鄧佳、中丞鐵木烈思等皆懷印綬，挈妻子遁去。參政尹克仁赴水死。行宣政院使朶耳麻不屈下獄死。時元臣柏鐵木兒居侯官，聞大軍攻城急，曰：「戰守非我得爲，無以報。」乃積薪樓下，殺其妻妾及兩女，縱火焚之。遂自

勿和入省署撫輯軍民獲馬六百三十九匹海舟一百五十艘糧一十九萬九千五百餘石金一千四百五十兩銀二萬四千餘兩胡菽六千三百餘斤和遣袁仁暨員外余善招諭興化章泉路其福寧等州縣之未附者分兵徇略

之

實錄卷二十一

六吳王因羣臣勸進卽皇帝位建元洪武國號大明吳王元年十二月癸卯朔癸丑中書省左相國公李善長率文武百官奉表勸進曰開基創業旣宏盛世之興圖應天順人宜正大君之寶位蒼生咸仰紅日方升蓋聞以道化民者謂之皇以德教民者謂之帝惟首出於庶物用光建於鴻名由是繼百王而立國家定四海而總綱紀事聞在昔運際當今欽惟殿下勇智自天聰明冠世掃除六合之

風塵拯救兆民於水火，擁樓船而西上，孺子奉璽而出迎，命將帥以東征，僞王束身而就縛，由是天下歸附。若江漢之朝宗，邦域肇隆，有金湯之鞏固，旣膺在躬之曆數，必當臨御於宸居，上以答於天心，下以符於人望。冀俯從眾請，早定尊稱，臣善長等爰合羣情，躬伸勸進，對明廷而虎拜，翊聖主之龍飛，發政施仁，參贊兩間之化育，制禮作樂，開拓萬世之太平，謹奉表勸進以聞。上曰：吾卽王位，亦不得已，勉從眾言。今卿等復勸卽帝位，吾恐德薄不足以當之，羣臣皆頓首請曰：天生聖哲，本以爲民，殿下之卽王位，天命已有歸矣。今又三四年，若不正大位，何以慰天下臣民之望？若漢高祖旣誅項籍，羣臣勸進，亦不違其請。今殿下除暴亂，救生民，功塞宇宙，德協天心，天命所在，誠不可違。

臣等敢以死請上固却之明日善長等復請曰殿下謙讓之德著於四方感於神明願爲生民計早徇羣臣之請上曰中原未平軍旅未息吾意天下大定然後議此而卿等屢請不已此大事當斟酌禮儀而行不可草草辛酉李善長率禮官以卽位禮儀進卽位之日先告祀天地禮成就卽位於南郊丞相率百官以下及都民耆老拜賀呼萬歲者三禮畢甲子上御新宮以羣臣推戴之意祭告於上下神祇卽皇帝位定有天下之號曰大明建元洪武

實錄卷二十二

四

七湯和移師會攻延平執陳友定解京洪武元年戊申正月元興化州守將葉萬戶俞院判聞福州不守遂遁去耆民李子成率眾詣福州湯和請降和遣都指揮俞良輔

守之。於是莆田等十三縣相繼降附。和遂移師進攻延平。我軍至延平。元參政文書海牙等以城降。執元守臣平章陳友定送京師。先是上遣使招諭友定。友定大會諸將。殺使者。置其血酒甕中。慷慨飲之。誓以死守。報元。我師至延平。隔水而陳。分一軍渡水。攻其西門。友定謀於眾曰。彼兵方來。其氣勇銳。難與爭鋒。不如持久以困之。伺間而動。必有可勝。遂嚴飭軍校。廵城晝夜不少息。諸將請出戰。友定不許。數請不已。友定乃疑其部將蕭院判。劉守仁有携貳心。卽收其兵柄。殺蕭院判。守仁知事急。來奔。士卒多踰城夜遁。自始圍。凡十日。適城中軍器局失火。炮聲亂發。我軍疑其內叛。遂併力攻城。友定見勢窮蹙。乃與副樞謝英。輔參政文殊。海牙訣曰。大事已去。吾無以報國家。惟有死耳。公

等宜自勉。廼退坐省堂，按劍仰藥飲之。達魯花赤、白哈麻冠服北望泣拜，與謝英輔皆自經死。文殊海牙、賴正孫等夜開門出降。至是我師入城，友定氣未絕，遂舁之水東門外。值大雷雨，復甦，械繫送京師。以唐鐸知府事。友定及其子至京師，上詰之曰：「元綱不振，海內土崩，天命更革，豈人力所能爲？爾竊據偏方，負固逆命，害我參軍，殺吾使者，強梁罔服，欲何爲哉？」友定對曰：「事敗身亡，惟有死耳，尚何言？」遂并其子誅之。

八胡廷美、何文輝攻克建寧，令曹復疇招諭汀寧等未下郡縣。是月，征南將軍胡廷美、副將軍何文輝率師至建寧。元守將同僉達里麻參政陳子琦集僚佐謀曰：「聞明軍驍勇，自入杉關，諸鎮兵皆望風瓦解，其鋒不可當。今吾城

中軍士亦不下萬餘儲蓄尙富可以拒守不可與戰彼攻吾城不克必將自退吾因而乘之或可以得志眾皆曰然由是備禦甚堅廷美等進圍之數與挑戰達里麻等固守不出我師環其四門攻之急達里麻不能支夜潛至副將軍何文輝營納款詰旦總管翟也先不花亦率眾詣文輝降廷美怒二人不詣已欲屠其城文輝止曰吾與公同受命至此爲安百姓耳今城降以私忿殺人可乎廷美遂止整軍入城申嚴號令秋毫無犯執參政陳子琦送京師獲將士九千七百九十餘人馬二百七十三匹銀一萬六千三百兩糧九萬八千六百四十石命指揮費子賢領兵守之廷美策遣建寧降將曹復疇招諭汀州寧化連城等縣元汀州路守將陳國珍納款三月汀州路總管吳崇率耆

民詣征南副將軍何文輝營納款。

九、上諭湯和戒其所短並追封胡琛之功。同月、上遣使齎勅諭和曰、軍中之事、難於執一、惟當以德服人、必其負固弗順、然後威以震之、凡推德必先邇者、邇者遠之所瞻、示威必先大者、大者小之所憑、邇服則遠來、大懼則小懼。又曰、若欲人不違己、當使之以信、若欲成功、當使之以專、不信則令不一、不專則權有所分矣。凡此皆汝所短、故特諭爾。四月、追封參軍胡琛爲縉雲郡伯、制曰、攄忠効力、允惟勲舊之臣、崇德報功、官厚追封之典、表幽光于既往、昭大節于無窮、爰考彝章、用加寵數、故參軍胡琛、奇姿素稟、偉器夙成、文詞克著于英華、武事兼通于韜略、朕創業江右、駐師金華、乃得賢才、以資任用、首居省幕、惟擢參軍、內